

पुर्खा दयक तकगु सम्पति, भीगु कला व संस्कृति

पिकाक-भक्तपुर नगरपालिका



क्लारा जेट्किन

नेपाल संवत् १९३९ चिल्लाश्व/२०७५ चैत १/ 2019 March/ ल्या:९, दाँ:१

; Dkfb slo

भाज्यापुखु यँया रानी पुखु स्वयो डासदाँ हाँ दयकगु न्हूगु तथ्य पिब्वल

ख्वप साँस्कृतिक व ऐतिहासिक नगरजक मखु श्व पुखुया नगरनं खः । तः (सिद्ध) पुखु, नःपुखु, बारे (कमल) पुखु, भाज्या पुखु, खँचा पुखु, याता पुखु, दुमजु पुखु, भण्ड पुखु थें अनेक पुखु तय्गु ल्या स्वयबले श्व नगरे अहे ३४ गः पुखु त दः । अपलं पुखुत इलय् हे ल्हवने मफयो ल्हाड छ्वत । पुखु मदयो वान नांजक बाकी दःनि । गुलिं पुखुल्हाड निजी छँ, सार्वजनिक भवन व लाँ दय्के धुंकल ।

सम्पदा म्वाक तय्गु भ्वलय् ख्वप नगरपालिकां भाजु पुखु ल्हवनेगु ज्या न्ह्याकल । घाँसं तपुयो च्वंगु तःदा तक नाः मरुगु पुखुकाथं ल्यड च्वंगु उकिया दशवीया दम्फो देगः खःला व देगः खःसा छु खः छु किया देगः धाय्गु खाँ श्वनहाँ सुनं हे थथेहेजक धाय् मफः । ख्वप नगरपालिकां थुकिया ऐतिहासिक महत्त्वयाता विचः याड ल्हवनेगु ज्या नपां सःस्य व थूपनिगु विज्ञ पुचः दयक आना ऐतिहासिक बस्तुतः माल स्वय्गु नपां व्यक् पिसं अध्ययन अनुसन्धानयां ज्या नं न्ह्याकल ।

इतिहासविद् डा. पुरुषोत्तम लोचन श्रेष्ठया कजिलय् निस्वांगु विज्ञपुचं न्ह्यला बिक यागु अध्ययन अनुसन्धानं भाज्या पुखुया बारे न्हूगु खाँ पिब्वल । थुकिया न्हातक भाज्यापुखु मतिया अखः आना लुयो वःगु भग्नावशेषया लिधंसाय् जूगु अध्ययन काथं थुगु पुखु बाहाँ शताब्दी अर्थात् यँया रानीपुखु स्वयो ५०० दा हाँ हे दयके धुंकगु प्रारम्भिक प्रतिवेदने सार्वजनिक याड दिल ।

ख्वप नगरपालिकां उगू प्रतिवेदनया प्रारम्भिक टिपोटया विषयले अभ् विश्वसनीय याय्ता सम्पदाविद्, संस्कृतिविद्, इतिहासविद्, वास्तुकलाविदपुं मुंक छगू अन्तरक्रिया ज्याभ्वः फागुन २७ गते क्वचाय्कल । उगु अन्तरक्रियाखे विज्ञपिसं सम्पदा संरक्षणख्य् भीगु मौलिक पहः पिज्यइगु व उकियाता म्वाक तय्मःगुलि बः बियो दिल । हाकनं अप्वः विश्वसनीयता दय्केता थी थी प्रविधित नं छ्यल स्पष्ट याय् मःगु बिचः नं प्वंक दिल ।

सम्पदा संरक्षणख्य् थःगु बिस्कं पहः क्यड महत्त्वपूर्ण भूमिका म्हेत वयो च्वंगु ख्वप नगरपालिकां थःगु हे मौलिक पहः त्वः मतसिं मौलिक शैलीख्य् दय्की धाय्गु विज्ञपिसं व जनतां भलोसा कायो च्वंगु दः । थुगु ज्याख्य् ख्वप नगरपालिकाया जनप्रतिनिधिपुं

पिकाक- ख्वप नगरपालिका/सम्पादक-आशाकुमार चिक्रबञ्जार/थाक्-भक्तपुर अफसेट प्रिन्टर्स

फोन ल्याः - ०१-६६१००९६, इ-मेल - bhaktapurmuni@gmail.com

छम्हा नांजःम्हा अन्तर्राष्ट्रिय नेतृ (न्हयलुवा) क्लारा जेट्किन

क्लारा जेट्किन (Clara Zetkin) जर्मनयाम्हा छम्हा महिला अधिकारवादी व अन्तर्राष्ट्रिय मजदुर आन्दोलनया स्यल्लाम्हा नेतृ (न्हयलुवा) खः ।

क्लारा ५ जुलाई १८५७ खय् साक्सेन (Sachsen) या विदेराउ (Woderau) धाय्गु थासय् ब्रूगु खः । वय्कया ब्वा गोटफ्रिड इस्नेर (Gottfried Eissner) गामेया छगू स्कूलया मास्टर खःसा वय्कया मां जोसेफिन (Jobephin) एर्सगोफिर्गे (Erzge Firge) या छगू गामे ब्वलांगु खः ।

सन् १८७४ य् हिन्हय्दाया बैसनिसें क्लारा जेट्किन महिला अधिकारवादी नेतृ अगष्टी स्मिदि (Auguste) नपां लीपजिग (Lipzig) य् मास्तरनी (शिक्षिका) तय्गु छगू मुंज्याय् ब्वति कायो दिल । सन् १८७४ निसें १८७८ या दशवी अर्थात् १५ दा निसें २१ दाया दशवी जर्मने जुगु मिसापुचःया सल्लाबल्हा, अन्तरक्रिया व मेमेगु ज्याभ्क्वः खय् ब्वतिकायो दिल । उगू लाँपु कायानिं वय्क सामाजिक प्रजातन्त्रवादीत (Social Democrats) नपां ज्या साँ भ्वाल । उगू इलय् वय्कया स्वापु रूसी क्रान्तिकारी ओसिप जेट्किन (Oscip Zetkin) नपां जुल ।

सन् १८७८ खय्हे वयक् सामाजिक मजदुर पार्टी (SAP) नपां स्वापु तःगुया हुनिं वय्कनपां भ्वछिं हे (Bruch) ब्रुच वानेता बाध्य यात ।

सन् १८७८ निसें १८८२ तक प्यदाया दुने अथे धाय्गु २१ दा निसें २५ दाया बैसेतक साचसेत (Sachset) व अष्ट्रिया (Austria) धःगु थासय् मास्टरनी (Zarness) जुयो ज्या साडु दिल ।

सन् १८८२ खय् हे क्लारा स्वीट्जरल्याण्डया जुरिच

(Zurich) धाय्गु थासय् सामाजिक प्रजातान्त्रिक (Social Democrat) पार्टी च्वडु ज्यासाडु दिल । वहे दाँय् वय्क नोभेम्बर महिनाय् फ्रान्सया राजधानी पेरिसे ओसिप जेट्किन नपां च्वडु दिल । औपचारिक काथं इहिपायाय्ता मःगु भ्वँ मरुगुलिं थःगु नांया लिने ओसिप जेट्किनया पारिवारिक नां व थर जेट्किन तयो दिल । वय्क पाखं नेम्हा काय्मचा दत ।

सन् १८८९ खय् ल्वचं कयो ओसिप जेट्किन मन्त । पेरिसे थमहे नेक्वगू अन्तर्राष्ट्रिय बैठकया ग्वसः ग्वल । उगू



क्लारा जेट्किन

ज्याभ्क्वः खय् वयकं दुयंगु महिला मजदुर आन्दोलनया न्वचु बियो दिल ।

थुकिंलिपा वयकं पेशागत व सामाजिक क्षेत्रया मिसातय्गु समान हकया माग तयो वर्ग संघर्षया थी थी गतिविधि याडु दिल । उब्ले वय्क ३२ दाया खः ।

सन् १८९१ खय् जर्मन समाजवादी कानुन दय्कल । अले क्लारा

जर्मने ल्याहाँ वयो स्टुटगार्ड (Stuttgart) खय् च्वडु दिल । दाच्छी लिपा १८९२ खय् सामाजिक प्रजातान्त्रिक पार्टी (SDP) या पाखें, वामपन्थी पाखें मू समितिया दुजः जुयो दिल । अले वय्क स्टुटगार्डे साफू सुइ पिनिगु पुचः सुज्या सुइगु पुचःले सक्रिय जुयो ज्या साडु दिल ।

उगु इलय् जर्मने ज्यामी (मजदुर) पुचःले मिसात दुःज जुयःमरुगु कानुन दः । अले १८९६ खय् वय्क उगु युनियनया अस्थायी अन्तर्राष्ट्रिय छ्याञ्जे (सचिव) या भाला कुबियो दिल । सन् १८९७ खय् वय्क मालर जोर्ज फ्रेडरिख जुन्ड (Moler Zeory Fredrich Zundd) नपां पीदाँया बैसे नेक्गू इहिपा याडु दिल ।

सन् १९०७ खय् स्टुटगार्डे समाजवादी मिसातय्गु



न्हापांगु अन्तर्राष्ट्रिय सम्मेलन जुल । उगू मुंज्यां क्लारा जेट्किनयाता महिला सचिवालय व हेडक्वार्टरया नकिं काथं ल्यल । उगू ईलय् क्लारा ५० दाया पाको वैसया जुय धुंकल ।

सन् १९१० खय् डेनमार्कया कोपनहेगने (Copenhagen Denmark) नेकगू अन्तर्राष्ट्रिय समाजवादी महिला दिवस डाय्केगु प्रस्ताव तयोदिल ।

सन् १९१४ निसें १५ तकखय् न्हापांगु विश्वयुद्ध सुरु जुल । सामाजिक प्रजातान्त्रिक पार्टी (SPD) बुलुहुँ सामाजिक अन्धराष्ट्रवादे फसे जुजुं वान । उकिं क्लारा पार्टीया वामपन्थी धःयो प्रतिनिधित्व याय्गु खाँ अस्वीकार याड् दिल । अन्तर्राष्ट्रिय समाजवादी महिला संघया छ्याञ्जेया हैसियतं वयकं सन् १९१५ या मार्च महिनाय् समाजवादी महिला सम्मेलन (Socialist Women's Conference) या ग्वसः ग्वत गुकिया हुनिं वय्क प्यला जेलय् चवनेमाल ।

अलेक्जेन्डर कोलोन्ताई (Alexandre Kollontai) नपां मिलेजुयो क्लारा जेट्किनं पक्षपातपूर्ण जनमत संग्रहया

विरोध याड् दिल । उगु इलय् जर्मने फुकक मिसातय्सं भोत बियमरु । निश्चित सम्पत्ति व आम्दानी दःपुं मिसातय्सं जक मतदाने व्वति काय् दैगु । वय्कं थजगु पक्षपाति मताधिकारया विरुद्धय तस्कं विरोधयासे पुँजीवादी महिलावादया चोत्तुक विरोध याड् दिल ।

सन् १९१६ पाखे कार्ल काउत्स्की (Karl Kautsky) अन्धराष्ट्रवाद व संशोधनवादया लाँपु ज्वंगुलिं क्लारा जेट्किन, रोजा लक्जेम्बर (Rosa Luxemburg) नपां मिलेजुयो वामपन्थी धारयाता ज्वड संशोधनवादया विरुद्धय चोत्तुक विरोध याड् दिल । उकियाता संघर्षकाथं न्ह्याकल । लेनिनं छपु चवसु चवयो 'गद्दार काउत्स्की' दक कुंखिड् दिल ।

संशोधनवादीत नपां ल्वाय्ता सन् १९१६ पाखे लक्जेम्बर्ग वा लिब्क्नेत्त (Liebknecht) स्पार्टाकिसवादी (Spartacists) धाय्म्हा रोमया छम्हा दास विद्रोहया नेताया नामय् वामपन्थी संगठन चाय्कल । क्लारानं वहे संगठने दुश्याकल ।

न्हा क्लारा 'स्वतन्त्र समाजवादी प्रजातान्त्रिक पार्टी जर्मनी (Independent Social Democratic Party

German) या सह संस्थापिका खः । वयकं (Dil Gleichneit) 'समानता' नांया पत्रिका पिथाड दिल । राजनैतिक व सैद्धान्तिक बिचः पासेलिं वयकं उगु 'समानता' नांगु (पौ) पत्रिका त्वःत दिल ।

सन् १९१८ खय् कार्ल लिबखनेत व रोजा लक्जेम्बर्ग नपां मिले जुयो क्लारा जेट्किन जर्मनया कम्युनिष्ट पार्टी (Kornmunist paric Daeuts Chlands- KPD) या संस्थापक जुयो दिल ।

सन् १९२० खय् वयक जर्मनी कम्युनिष्ट पार्टीया पाखें चवय्या सदन राइखस्टाग (Reichetag) या दुजः जुयो दिल । २ जुलाई १९२० खय् जर्मन कम्युनिष्ट पार्टीया न्हापांम्हा सांसदया नातां वयकं सोभियत संघ नपां ऐक्यबद्धताया माग याड छगू वक्तव्य पिकायो दिल । उब्लेहे वयकं सोभियत संघे न्हापांगु भ्रमण (चाह्यु वानेगु) याड दिल । सोभियत संघे वयकं रुसी जनताया महान नेता लेनिन नपां क्वातुगु स्वापु तयो दिल ।

वयक थी थी ल्वचं कयो च्वंगुलिं उपचारया नितिं गुब्लें सोभियत संघे गुब्लें जर्मने भाय्गु याड दिल ।

सन् १९२१ निसें वयक 'अन्तर्राष्ट्रिय महिला कम्युनिष्ट' (Die Kommunistische Frauen International) नांया पत्रिकाया सञ्चालिका व अन्तर्राष्ट्रिय महिला सचिवालय्या छ्याञ्जे जुयो ज्या साड दिल । नपां वयक १९२१ निसें कम्युनिष्ट अन्तर्राष्ट्रियया कार्यकारिणी समितिया दुजः (Member of the Executive Committee of the Communist International) जुयो दिल । अले १९२४ निसें वयक सोभियत संघेसं च्वड दिल । सन् १९२५ खय् वयक 'अन्तर्राष्ट्रिय लाल सहयोग' (International Rotein Hilfe) संस्था चाय्क थःहे उकिया नकिं जुयो दिल ।

सन् १९२७ खय् वयक ७० दाँ क्यंगु लसताय् थी थी

साहित्यिक व अन्तर्राष्ट्रिय सम्मानं हानेज्या यात ।

३० अगष्ट सन् १९३२ या दिनस पूर्व नकिंया नातां निर्वाचित चवय्या संसद (Reichetage) या उलेज्या न्वचुसं क्लारा जेट्किननं पुँजीवादी समाज व्यवस्थाया विरुद्धय ल्वाय्ता नपां फासीवादी प्रवृत्तिया विरुद्धय ल्वाय्ता छप्पा छधि जुयगु खाँ तयो हज्याड दिल ।

ताःई तक जिवं मफूसेलिं २० जून १९३३ या दिनसं मस्कोया लिक्कच्वंगु आर्चाब्सकोज (Archangeleskoje) धाय्गु थासय् वयकं प्राण त्वत दिल । वयकया शव याता मस्कोया क्रेमलनौर (Kremlnaure) धःगु थासय् तयो तःगु खः ।

क्लारा जेट्किन अन्तर्राष्ट्रिय कम्युनिष्ट आन्दोलन व अन्तर्राष्ट्रिय महिला मजदुर आन्दोलनया छम्हा स्यल्लाम्हा नेतृ खः । धात्थें धाय्गु खःसा छम्हा स्यल्लाम्हा मजदुर आन्दोलनया न्हयलुवा अले पुँजीवादी महिलावादीया तच्चकं आलोचनायाय् सःम्हा फःम्हा मिसामचा खः ।

(विश्वया क्रान्तिकारी महिलाहरू सफूतिं ल्हययो कायागु)

ख्वप नगरपालिकायागु



रेडियो ज्याभ्व

'ख्वप सः'



भक्तपुर एफ.एफ. १०५.४ मेगाहर्जखय् न्यडदिसं

बुधबार : सुथाय् ७.३० इलय् लिसिं ८.३० ता इलय् तक

शुक्रबार : बहनी ६.३० ता इलय् लिसिं ७.३० ता इलय् तक

ख्वप नगरपालिका नगरवासीतय्गु थःगु हे संस्था खः

करदातातय्सं इलय्हे कर पुलदिसँ

नगर विकासयाय्ता ग्वाहाली याड दिसँ

न्ह्यसः

भाषा व व्यवहार समाजया धात्थेगु संस्कृतिया दापु खः

✦ का. नारायणमान बिजुक्छे (रोहित)

न्ह्यसः दकले ण्हःपां छिं गजगु साफु त बनेगु
याड दिया ?

लिसः निम्न माध्यमिक व माध्यमिक तगिं अथे धाय्गु
च्यागु, हिगु तगिंखय् आखः ब्वडाबले जिता बंकिपुं
गुरु पिस बियो दय्गु साफूत ब्वनेगु, गथेकि, मनूया
विकास गथेजुला ? धाय्गु डार्विनया बःचा हांगु
किपामना साफू, वीर वीराङ्गना तय्गु म्हासिइका
साफूत, व सरल नेपाली साहित्यया साफू त ब्वडागु
खः ।

बौद्धिक विकासमाण्डल व जन अध्ययन मण्डल थजगु
थःथाय् छँ क्वय् दःगु साफूकुथि व साहित्यिक संगठनया
दुजः जुयानिं सरल नेपाली साहित्य व देश विदेशया
क्रान्तिकारी नेता पिनिगु साफू ब्वडा । उब्ले जिं
माओत्सेतुङ्गया बःचा हाकगु जीवनी नपां भारतया
सहिद भगतसिंहया जीवनी व मे मेपुं क्रान्तिकारी
पिनिगु जीवनी ब्वडा ।

विद्यार्थी संगठन व कम्युनिष्ट पार्टी नपां स्वापु दसेलिं
आनाया क्रान्तिकारी पासापुं नपां थी थी साहित्यिक
व राजनैतिक साफू त ब्वडा । उब्ले अः यायथें
फुक्क साफूत न्याय्गु मरुगुलिं पासापिसं ज्वड वगु
साफूत पालंपः हिल ब्वनेगु । २०१४/१५ सालपाखे
ब्वडागु अः लुमाडवगु साफूत मध्ये - चतुर्सेन
शास्त्रीया- धर्मको नाममा, यशपालया 'मार्क्सवाद',
'दादा कामरेड', 'ठाउँठाउँका कुरा' (नाटक),
गान्धीवादको शव परीक्षण, कृष्णचदरया - 'एक
गधाको आत्मकथा, नम्बूदिरियादया 'गान्धी र उनको



वाद' गोविन्दप्रसाद लोहनीया 'यो हो सोभियत रुस'
चिनी जनसंघर्षको इतिहास' राहुल सांकृत्यायनया
भाषाया साफूत ब्वड ज्ञान कायगु नपां सय्केगु तर
व्यवस्थित भाय्या ज्ञान मदय्क हिन्दी साफू ब्वड
भिके विषयवस्तु धात्थें खःगु व हिन्दी साहित्य चव्यता
थाकुइ । महाविद्यालयया स्तरे बंगाली, हिन्दी, संस्कृत,
फ्रान्सेली व मेमेगु भाय् सय्के फःसा बांला जुई ।
गुरुपुं अले पासापिके सल्लाह मकःसिं हःने ध्वःतुगु
साफूत ब्वनधःसा वा साफूया हःनेया गाता व छ्यौं (
शीर्षक) जक स्वयो ब्वनेगु यातधःसा ब्वनेधुंक व
साफू बांलागु मखयवं धेबा व ईजक बर्बाद जूगु मति
वै ।

अथेसा हकनं मति तय्फ गजगु व सुयागु साफू
त्वंसा जिइ ?

लिसः अथे धाय्गु ब्वनामिपिसं थःगु विषयकाथंया साफू
त ब्वनिसा च्वमि स्वयोनं साफू ल्यइ । गुब्लें गुब्लें
बजारे बय्बय् जूगु चर्चित साफूत नं ब्वनि । तर
अजगु फुक्क साफूत बांलाइ धाय्गु मरु । तर विज्ञापनं
बाँमलागु साफू तानं छाय्पियो बय्बय्याड नक्कली
सामान भ्नीगु लाहातय् लाकं बिइ । थुकिया नितिं

पत्र-पत्रिकाया 'पुस्तक समीक्षा' पुस्तक परिचय
 ब्वनधःसा पाय्छी जुइ' साफूकुथिया लाइब्रेरियन वा
 'पुस्तकालयविज्ञ' याके ग्वाहाली कः सांनं बांला जुइ ।
 भीसं छु मतितय्म धःसा साफू कुथि च्वनिपुं साहित्य
 ब्वनेमन्दःपुं हे जुइ, अमिके साफूयाबारे छुनं छुं ज्ञान
 दै अले साफू व साहित्य धाय्गु ब्वनेहे मनमरुपुं मनूत
 साफूकुथि ज्या सानिमखु धाय्गु मने तय्मः ।
 गथेकि- जिं माओत्सेतुङ्गया म्हासिइका (जीवनी)
 च्वयो तःगु थी थी च्वमिया अपःलं साफूत ब्वडा
 अले व फुक्क साफूखय् दकले न्हःपां एडगर स्तो या
 'चीनया सर्गतय् ह्यौंगु तारा' साफूपाखें ल्हययो
 कायो तः गु हे खाडा । अले सुनं न्हपालाक वहे साफू
 ब्वनेगु सल्लाह ब्यूगु खःसा मेगु साफू ब्वड च्वनेहे
 मालिगु मखु ।

न्हयसः गुगु विषयया साफूत अपलं ब्वड दिया ?

लिसः २०२२/२३ सालं लिपा जीं थता राजनीतिखय् हे
 अपलं समर्पित याडा । गुकिंयाड जिं ब्वनेगु अपलं
 विषय राजनीति हे जुल । विश्वया इतिहासनपां थी
 थी देया क्रान्ति व प्रतिक्रान्तिया साफूत ब्वनेगुलि
 मन क्वसाल । एसिया, अफ्रिका व लाटिन अमेरिकी
 देया इतिहास, स्वतन्त्रता व मुक्तिया इतिहास व उगु
 देया नेतातय्गु विषयले अध्ययन याडा ।

**न्हयसः साफू गथेयाड ल्यय्गु अले गजगु साफूत
 ब्वंसा बांलाइ ?**

लिसः च्वय् न्हिथाडा काथं - थःगु जीवनया मू आजुयाता
 ग्वाहाली याइगु व थः गु विषयखे विशेषज्ञता ताड
 विइगु साफूत ब्वनेगु आवश्यक खः । गथे छताजि
 वास खं फुक्क बिरामीया ल्वय लांके फैमखु अथे हे
 फुक्क ब्वनामि (ल्यासेल्याम्हो) पिनिगु लागिं छगूहे
 विषयया साफू ब्वने यो ताय्की मखु ।

**न्हयसः छिगु अध्ययन शैली ब्वनेगुया (आजु)
 उद्देश्य व पहः (तरिका) गथे खः थै ?**

लिसः दकले न्हःपां साफूया विषयले अले च्वमिया विषयले
 जानकारी काय्गु । अले साफू ब्वँ ब्वँ वानेबले थःता
 मन्दःगु व ममरुगु नपां मन मन्हयागु विचः याता
 छगु कापी खय् ल्हययो काय्गु । साफू ब्वनेधुंक व
 साफूया बारे छुं छुं थःता लगेजुगु खाँ बःचाहाक
 च्वयो तय्गु । थथे यात धःसा ता इ तक लुमासे वयो
 च्वनिगु जक मखु व साफूयाता हाकनं ब्वड च्वने
 मालि मखु ।

न्हपान्हपा मथां मथां साफू क्वचाय्क ब्वनेगु । अः
 विस्तारं ज्या अप्वयो वसानिसें छगू साफू ब्वनेता हे
 नेला स्वला बिइगु । अनियमित जीवनया कारणं नं
 थथे जूगु खः ।

इतिहास विषय ब्वनेबले असहमति व शंका जुलधःसा
 मेगु इतिहासया साफू नपां ज्वः लाक स्वय्गु ।
 साफूकुथिया साफू जुलकिं टिपोटयाय्ता अप्वः ई
 विइगु । थः गु हे साफू अले पासापिनिगु साफू जूसा
 चेतयो मथां ब्वने धुंकेगु । तर गुबलें गुबलें खाँग्वः
 छग्वःया खाँग्व ज्याय्ता खाँग्वः धुकु (शब्दकोश) व
 तः हांगु विश्वकोषया ग्वाहाली काय्गु याडा ।

न्हयसः साहित्यिक साफूत ध्याय् ब्वने मः थै ?

लिसः साहित्य समाजया च्वन्हयागु विचः (उत्कृष्ट
 अभिव्यक्ति) नपां सांस्कृतिक जीवनया न्हय्कं खः ।
 समाजयाता हागःथ्यंक वड स्वय्गु गम्भीर रुपं थुइकेगु
 उकिया तस्कं बांलागु पक्षयाता आत्मसात याय्ता,
 थडाल काय्ता थःगु भाय व चिन्तनयाता जति बियता
 साहित्य ब्वनेगु याइ । जिं रुसया अपः साहित्य ब्वने
 मखाँसां छुंछुं बांलाधःगु साफूत ब्वडागु दः । अ ले
 ताल्सतायया 'अन्ना केरेनिया' ब्वने धुकं रुसयाय्गु
 सूक्ष्म खाँत सिइकागु अनुभव जुल ।

अथेहे गेरेया 'फाउस्त' ब्वने धुंक साहित्यकारतय्गु
 प्रभाव राजनैतिक साहित्यखे गथे लाइगु जुयो च्वना
 धाय्गु खाँ थुइका । साहित्यब्वलापुं मनूत नेता जुलकिं
 राजनीतिया भविष्य व आजु चकांक क्यने फैगु जुयो
 च्वना धाय्गु खाँ मार्क्स, एंगेल्स, लेनिन व

माओत्सेतुङ्गया च्वसुखं ध्वाथुङ्के फः । अथेहे राजनेता व राजनीतिज्ञतय्के साहित्यया छाप लातकिं क्वातुक, घिसिलाक्क हज्याइ । धाङ्गु नपांदः बलं त्याकेमफगु गुलिनं विषय कूटनीतिं (ज्ञानं) त्याकी । कूटनीतिया दकले बलागु पक्ष भाय् व व्यवहार हे खः । भाय् व व्यवहार समाजया धाथ्थेगु संस्कृतिया दापु खः ।

न्ह्यसः गथेयाड राजनैतिक साफू ब्वंसा बांलाइ ?

लिसः गथे भ्नीसं नाटक (प्याखं) या विषय ब्वनेता नाटकय् मःगु तत्त्व वा गुण छु खः धाय्गु थुयानिं तिनि थमनं ब्वडागु नाटकया विषयले बांला, बाँमला धाय् फै अथेहे राजनीति शास्त्रया सामान्य ज्ञान दयकानिं तिनि राजनैतिक साफू त ब्वन धःसा गनां त्वःक्यनि मखु । राजनीतिशास्त्रया विद्यार्थी पिन्ता अः दयकगु संविधान व शासक दलतय्गु मभिंगु ज्या व तेलकासाया रहस्य थुङ्के थाकुइ मखु । बरु सर्वसाधारण जनतातय्ता छलं लाड चाकुक् माकुक् खाँ काड ख्यंथाय् यंकिगु, वहे खाँ खं सर्वसाधारण जनतात पत्या जुङ्गु स्वाभाविक खः ।

छम्हा मामुली मनूनं ऐन-कानुनया छुँ खाँ थुङ्क व्यवहारिक जीवने संयम जुय्ता बः बिइसा छम्हा वकिलं थःता काथं छिंक थः त्याङ्गु काथं उकिता छ्यली । अले छम्हा न्यायाधिशं ऐन-कानुनया लिधंसाय् थःगु विवेकनपां ल्वाकछ्याड न्याय (निपं) विइ अथेहे छम्हा साधारण नागरिकं राजनीति व राजनीतिशास्त्रया साफू त ब्वड थःता सचेत याइ अले छम्हा बेकोमति दः म्हा महत्त्वाकांक्षी राजनीतिज्ञं अजगु साफू ब्वड थःगु स्वार्थ पू वांकी । उकिया नितिं छ्यली । तर जनतायानिति ज्या सानिम्हा छम्हा सच्चाम्हा राजनीतिज्ञं देश विदेशया राजनैतिक साफूत ब्वड थःगु देश व जनताया भिंजुङ्गु ज्याखय् छ्यली, अले थः ताड च्वंगु लाँलुयो वथे ताय्की । छगूकाथंया बः वगु मति तै । उकिं राजनीति व राजनीतिशास्त्रया साफू नं फरक-फरक मति तयो ब्वनि ।

न्ह्यसः साफू ब्वने धुंक उगु साफूया सार व समिक्षानं पिकाईला थें ?

लिसः थी थी ब्वनामि पिनिगु थः थः गु बिचः काथं साफूया सार पिकाइ । थःगु बिचः नपां साफूता स्वइ । गथेकिं सुनं ब्वनामिं महाकाव्य ब्वनधःसा गुम्हासिं छन्द, रस व उकि च्वयो तःगु अभिव्यक्ति जक थुङ्किसा गुम्हासिं उकिया बाखंचु प्रगतिशील खःलाकि परम्परावादी छु खः ? उकिया सार पिकाइ । अथेहे थजगु खाँ राजनीतिक साफू, म्हासिइका (जीवनी) बाखं व उपन्यास ब्वनिबले नं मनूया स्वभाव काथं पाङ्गु खानेदः । बांलापु ब्वनामिपिसं छगूसाफू मेगुनपां ज्वः लाक स्वइगु नपां भाय् शैली (पहः) व आजुनपां हचिइक थः गु बिचः ब्वइ । सामान्य ब्वनामिपिसं देनेजक लालाकायो थःगु बिचः प्वंकी । उकिं साहित्यिक विषयले थी थी विधायी ज्ञान दय्म अथेहे राजनैतिक व मेमेगु विषयया साफूति नं न्हापांतुं छुँ भति जानकारी दःसा उकिया सार थुङ्के अः पुइ ।

न्ह्यसः च्वमियाता गथे म्हासिइकेगु ?

लिसः गुम्हासिं साफू ब्वड च्वमि म्हासिइकि सा गुम्हासिं च्वमि स्वयो साफू ब्वनि । धात्थे धाय्गु खःसा साफू व वयकया च्वसुखं च्वमि म्हासिइ अले च्वमि म्हासिइक च्वसु बांला बाँमला क्वः छिइ ।

न्ह्यसः पाय्छि जुङ्क (त्यवस्थित याड) गथे ब्वनेगु ?

लिसः विषयवस्तुया छुँ भति हे ज्ञानमरुसा साफूतिइ च्वयो तःगु खाँ थुङ्के थाकुइ अले ब्वडागु ई जक सितिं वनि । उकिं न्ह्यागुनं विषय हाँगनिसेहे सय्कल थुङ्कल धःसा अः पुगु अनुभव जुइ । च्वय् धाय्काथं भाय् व व्याकरणया ज्ञां बांलाक दय्मः । गथे कि बांलापुं विद्यार्थीतयसं फुक्क विषय अः पुगु मति तै अथेहे थ्व खाँ फुक्क क्षेत्रे लागु जुइ ।

बवनेमः धाय्गु सिङ्के विय्ता अः पुक थुगु लागाय् छ्यलेता नकतिनिया विद्यार्थीपिन्ता थःगु पाठ्यपुस्तक बाहेकं नेपःया पुलां पुलांगु लोकबाखंत, इसपया बाखंत, ग्रीस व रोमया लोकबाखंत, चिनियाँ लोकबाखं, अकबर वीरबलया बाखं वा आफन्तिया बाखं नपां देशी-विदेशी लोकबाखं निसैं बवनेगु बानी छ्यल धःसा ज्यल वानिगु स्वाभाविक खः । गुकिं अमिके थप ज्ञान बढे जुइ अले मात्तुमाल बवनेगु बानी लगे जुइ । भीसं थुयाकाथं तः तः ह्रांपुं लोकह्वापुं साहित्यकार पिसं अले नेतापिसं लोकह्वाम्हा लोकबाखंया छम्हापात्रयाता हः चिङ्क अले छगू लुमांकेबहःगु घटनाकाड तस्कं मनय् ध्वाथुङ्क न्यने याय्पुसेच्वंक कानिगु, च्वयोतःगु न्यडा, ब्वडा । गुब्लें गुब्लें छम्हाजक च्वमिया च्वसु ब्वनिगु अले लिपा मेम्हा च्वमिया च्वसु ब्वनेगु याइ । जिगु विचःले थी थी च्वमिया न्हापांया च्वसु (प्रारम्भिक लेख) पाखं ब्वनेगु न्ह्याकल धःसा च्वमि म्हासिङ्केता अः पुइ । अले भीसं ब्वडागु सार जुइ ।

न्ह्यसः मळसिं मगागु छुं छुं साफूत छुं छुं दः थैं ?

लिसः नेपाली साहित्यया साफूत माध्यमिक तगिं निसैं एम.ए. तक बवनेबले पाठ्यपुस्तकेह्य् अपलं च्वमितय्गु साफू व च्वसुत बवने धुंकि । उगू पाठ्यक्रमे दुथ्यागु साहित्यया थी थी विधायया साफू व च्वसुत बवने धुंकि पुलांपुं नेपाली साहित्यया मूर्धन्य साहित्यकार पिनिगु साफू ब्वंसा बांलाइ । दन्त्य, (लाखे लसिया बाखं) कथा निसैं पारसमणी प्रधान, धरणिधर कोइरालाया च्वसू व रुद्रराज पाण्डे नाटक, उपन्यास (रुपमती), बसाइँ निसैं अतःक नांचले जूगु उपन्यास, नाटक (प्याखं) व च्वखँया साफूत ब्वंसा बांलाजुइ । गद्य चिनाखँया लागाय् गोपालप्रसाद रिमाल, कृष्णचन्द्रसिंह प्रधान, विजयमल्ल, जनार्दन समनिसैं अःतकया लोकं ह्वापुं कविपिनिगु कृति बवनेगु बांला जुई । आलोचना व समालोचनाया लागाय्- यदुनाथ खनाल, रामकृष्ण शर्मा, ईश्वर बराल, गोविन्दप्रसाद लोहनी, कृष्णचन्द्र सिंह प्रधान, तारानाथ शर्मा पिनिगु

वाद-प्रतिवादया समालोचनाया च्वसुत नेपाली समालोचनाय् बांलागु पक्ष खः । उब्लेया धरती, प्रगति व मेमेगु वहे विषयया पत्रिकात ब्वनधःसा बांलाइ । नपां वि.पि. कोइरालाया तीन घुम्ती, पारिजातया शिरिषको फूलयाबारे गोविन्द भट्टया आलोचना ब्वनेवहःगु आलोचना खः ।

न्ह्यसः अनुवाद साफू स्वयं चाणक्य (विष्णुगुप्तया चाणक्य नीति) (चतुर्सेन शास्त्री)

लिसः भवानी भिक्षुया-बाखंत गुनकेशरी, मैयाँ साहेव (मनोवैज्ञानिक बाखं काथं)

रमेश विकल- आकासका ताराहरू छट्पटाइरहेका थिए, पुलांगु गोरखापत्रखय् छापे जूगु - जय देश जय नरेश, बुद्ध शरणं गच्छामि, मधुपर्कया पुलांगु ल्याखय् छापेजूगु - काली-सेती (बाखं), यति- बाखं, थी थी काथं च्वयोतःगु च्वय्या च्वसुत ब्वनेगु ज्ञानवर्द्धक हे जुइ ।

अथे हे - ताना शर्माया - बेलायततिर बरालिंदा व पाताल प्रवास,

गोविन्दप्रसाद लोहनीया -विभिन्न देशको यात्रा वर्णन,

सिद्धिचरण श्रेष्ठया - उर्वशी खण्डकाव्य, मेरो प्रतिबिम्ब सिद्धिचरणया (चिनाखँ मुना),

लेखनाथ पौडयलया - ऋतु विचार (खण्डकाव्य), विजय मल्लया कविता

गोपालप्रसाद रिमालका इब्सनवादी नाटक- मसान, यो प्रेम ! नपां चिनाखँत

कृष्णचन्द्रसिंह प्रधानया - भञ्ज्याडुनिर

यदुनाथ खनालया - समालोचनाको सिद्धान्त

दैवज्ञराज अर्याल- एगामेनन् व एन्टी गनी

चुइयाँ-

राजा इडिपस-

फाउष्ट गेटे- (अनुवाद) तुलाधर

उपन्यास- अजम्बरी गाउँ, आमा

‘भवखाचां स्यंक व्यूगु सम्पदात ल्हवनेगु तहांगु चुनौती नपां प्राथमिकताया आधारखय् सम्पदा ल्हवड चवडागु दः’

✦ प्रमुख सुनिल प्रजापति

(भक्तपुर) ख्वप ऐतिहासिक व सांस्कृतिक नगर खः । प्राचीन नगर ख्वपे काष्ठकला, धातुकला प्रस्तरकलाया तस्कं च्वन्ह्यागु ज्वः मरुगु उदाहरणत यक्व दः । नगरया पुलांगु थाय् थासय् देगः ल्वहँहि, फल्चा, पुखु, तुंथि, मठ, सत्त थजगु अपलं सम्पदात अः तकं म्वाड च्वंगु दः । इलय् हे सरकारं थुगु लागाय् बिचः याडः ल्हवनेगु ज्या मयागुलिं गुलि नं सम्पदात



ज्या याय्गु बांलाइगु जुगुलिं जिमिसं थुगु नीति ज्वडागु खः । उपभोक्ता समितिपाखें जूगु ज्या भिंगु, बल्लागु, गुणस्तरीय व थःगु हे पहःया मौलिक शैलीता म्वाक तय्ता ग्वाहाली जूगु मति दः ।

सम्पदा ल्हवनेगु ज्याभ्वः प्राथमिकताया आधारे न्हापालाक याय्मःगु ज्या हःनेलाक याडः वयो च्वडागु खः । उकिंमध्ये छगू खः ‘भाज्या पुखु’ । २०५४

मदयो वान । पुखु ल्हाड थःगु निजी छँ दय्किगु फल्चा सतः थःगु याइगु ज्याखं ‘बाज्याया दत्त छयनं चट्ट’ याइगु ज्या भन अप्वयो वल । पुरातात्विक व ऐतिहासिक महत्वं भयव्यूगु सम्पदात ल्यंक तय्गु मतिं छुं दशक न्हयो निसें ख्वप नगरपालिकां पुर्खा दय्कतकगु सम्पत्ति भीगु कला व संस्कृतिया नारा ज्वडः थुजागु ज्याखय् पला तयो वयो च्वंगु खः । ड्युडापा भ्यो दरबार, डातापोल्हँ देगः त्वाल्य् त्वाल्य्या ल्वहँहि, फल्चा, सत, देगः ल्हवनेगु ज्याखय् अभियान काथं मदिकक हज्याडः वयो च्वंगु दः ।

२०७२ सालया भवखाचां ख्वपय् यक्वसिया छँ नपां सम्पदात नं स्यड्कबिल । गुकिं तहांगु क्षति जुल । जनप्रतिनिधित मरुगु इलय् ल्हवनेगु ज्या मः काथं हज्याय् मफूत । २०७४ जेठ निसें जिमिसं जनप्रतिनिधिकाथं सपथग्रहण याय् धुनेवं भवखाचां स्यंकगु थानाया मूर्त व अमूर्त सम्पदात ल्हवनेगु छगु तहांगु चुनौतिकाथं दाँ वल । अथे नं जिमिसं हथाय्सं सम्पदात ल्हवनेगु स्वयो थःगु हे पहःया मौलिक शैली व गुणस्तर काथं भिंक बल्लाक दय्केगुली बः बियो च्वडा । सम्पदात ल्हवनेगु ज्या ठेक्काखय् बियगु स्वयो जनसहभागिता याडः उपभोक्ता समिति दय्क वा अमानत (ज्यालां) ल्हवकेगु

सालय् त्याकवांपुं जनप्रतिनिधिपिसं भाज्यापुखु ल्हवनेगु ज्या न्हःपां न्ह्याकगु खः । पदावधि फुइथें च्वडालिं स्थानीय जनताया ग्वाहालीखय् न्ह्याकगु उगु पुखु ल्हवनेगु ज्या जनप्रतिनिधिपुं मदय्वं ज्या नं दित । अः जीपुं जनप्रतिनिधिपुं वयानिं नाः मदयो घाँसं भुडः च्वंगु पुखु सफायाय्गु ज्या खं सुरु याडा । नियमित न्ह्याक च्वडागु सफाइ अभियान या भ्वल्य् तः कहे सफायाय्धुंगु खः । अले जिमिपुं प्राविधिकपुं पाखें नापजाँच याक सःस्यु व थुपुं अनुभविपुं पाखें नाः गथे यासा थाइ धाय्गु सल्हाबल्हा याडा । उगु सल्हाबल्हाया भ्वल्य् सिद्ध पुखु (तःपुखु) ल्हवडागु इलय् थें नाः ज्वइगु सम्भावना दःगु पुखुया थाय् थासय् साहे चार फिट ब्या व सात फिटया गः म्हुयो देचा थाडा । अले उगु पुखुया दशवी ल्यं दःगु द्वफ्वले गजगु अले छु देगः दःगु धाय्गु खाँ सुनं हे धाय् मफूत ।

भाज्यापुखु ल्हवनेगु भ्वल्य् लुयो वगु पुरातत्व वस्तुया लिधंसाय् प्राविधिक पुचं छगु अनुमानयात । उकिया लिधंसाय् नक्सानं दय्कल । पुखु दशवीया देगले वानिगु लाँय ल्यं दःगु भग्नावशेषया लिधंसाय् उत्तर दक्षिण स्वगु ताँ दःगु अनुमान याय् थाकु मजु । गुगु ज्या, थथे हे खः धाय्गु

क्वच्छिद्य् फःगु निर्विकल्प चिज दः आनानिसैं जिमिसं ल्हवनेगु दय्केगु ज्या न्ह्याका । जिमिसं आशा याडा-सम्पदा ल्हवनेगु ज्याख्य् पुरातत्व विभाग, सम्पदाविदपुं, संस्कृतिविदपुं इतिहासविद् पिनिगु पुचः दय्क हज्याय् दःसा ज्यू । प्राचीन स्मारक संरक्षण ऐननपां सम्पदा संरक्षणसम्बन्धी ऐन नियम, सम्पदाविद्, इतिहासविद् व संस्कृतिविद् नपां स्थानीय जनताया ग्वाहाली व अनुभवया लिधंसाय् जिपुं हज्याड च्वडागु खः ।

न्ह्यलाति हाँ थुकियाबारे मालकुल स्वय्गु अले चाया दुने ल्हाड च्वंगुलि छु द जक मुल स्वय्मगु (अन्वेषण व उत्खनन्) आवश्यकता मति तयो इतिहासविद् प्रा.डा. पुरुषोत्तमलोचन श्रेष्ठया कजिख्य् छगू सः स्यू थु पिनिगु विज्ञ पुचः निस्वाडा । वय्कपिन्ता थःता मःगु कार्यविधि थमनं हे दय्क हज्याय् फँगु अधिकार बिया । दकले न्हपांया लच्छीया ई बियागुलि वय्कपिन्सं मालकुल स्वय्गु ज्या देनं देनं जक मयासीं दुरयंक याय् मःगुलिं ई तानेमःगु खाँ धायोदिल । ख्वप नगरपालिकां भाज्या पुखु सम्बन्धी छगू धात्थें खःगु, विश्वास वांगु अले फुकंसिनं मखु धाय् मफँगु छगू तस्कं महत्त्वपूर्णगु दस्तावेजया आशयासे खुलातकया ई ताड स्थलगत अवलोकन, पुरातात्विक अन्वेषण व उत्खनन् (मालेगु व ल्हाड-च्वंगु सम्पदात मुल स्वयगु) या भ्वलय् लुयो वगु चिज व अवशेषत, भाज्यापुखुयाबारे काड वयो च्वंगु किम्बदन्ती,

जनश्रुति, उगूपुखुया चाकलिया सम्पदात नपां मेमेगु सम्पदात, ज्वःलाक अध्ययन यासैं स्यल्लागु प्रारम्भिक प्रतिवेदन तयार याड दिल । उगू प्रतिवेदनं जिमिता न्ह्यलं चाय्क ब्यूगुथें जिमिगु ध्यान साल काल । श्व प्रतिवेदन न्ह्यो यँया रानी पुखु (ने.सं. ७९०/वि.सं. १७२७) पाखें प्रभावित जुयो भाजुकसं दय्कगु जनश्रुति न्यड वयागुलि थौंया प्रतिवेदनया लिधंसाय् थुगु पुखु रानी पुखु स्वयो डासदा पुलांगु खाने दत । गुकिं जिमिता श्व खाँ भी सः स्यू व थुपुं विज्ञ पिनिगु दश्वी तयमाली जक लगेजुल । थुकिं भाज्या पुखुया न्हूगु इतिहास सुरु जुइ । श्वहे खाँ याता कायो डा. पुरुषोत्तमलोचन श्रेष्ठया कजिलय् निस्वांगु विज्ञ पुचःया पाखें श्व प्रारम्भिक प्रतिवेदनया विषयलय् अन्तरक्रिया ज्याभ्वः ग्वसः ग्वयागु खः । श्व ज्याभ्वसं जनप्रतिनिधि, पुरातत्वविद्, सम्पदाविद्, इतिहासविद्, संस्कृतिविद्, वास्तुकलाविद् व प्राविधिकपिन्ता ब्वडागु खः । थुगु प्रारम्भिक प्रतिवेदनया विषयले थःथःगु भनाई व सुभावात बियो दिगु भलासा काया । गुकिं श्व प्रतिवेदन अझ विश्वस्त जुयो निर्विवाद जुइगु विश्वास काय् । शुभाय् !

(ख्वप नगरपालिकाया ग्वसालय् फागुन २७ गते भक्तपुर नगरपालिका वडा नं. १ यागु ऐतिहासिक भाजु पुखुयागु प्रारम्भिक प्रतिवेदन प्रस्तुत ज्याभ्वलय् हानेबहम्हा प्रमुख सुनिल प्रजापतिजुं तयोद्युगु न्वचु)



भक्तपुर नगरपालिका वडा नं. १ यागु ऐतिहासिक भाजु पुखुयागु प्रारम्भिक प्रतिवेदन प्रस्तुत ज्याभ्व

पुर्खा दय्क तकगु ऐतिहासिक, धार्मिक सम्पदात ल्यंक तय्गु भीगु कर्तव्य खः

● उपप्रमुख रजनी जोशी



प्रकृति व आनाया चा, फय् ना थी थी पर्यावरण नपां ज्याछिंक संतुलन तयो हे भीगु थाय् बाय् अले समाज दःगु खः धाय्गु अप्वसिनं स्यू । नगर निर्माणया भूवल्य् समाजय मदय्कं मगागु आधारभूत आवश्यकता पूर्वाकेता व थाय्या भूवनोट, अले वःफय, चा नपां स्वापुतयो दयकःगु खाँ भीसं इतिहासपाखं थुइक काय्फः । थुकियाता ता ईतक म्वाक तय्ता संस्कृतिया तिसां तिइक ब्यगुलिं भी फुकं उकि लय्तायो भेलेपुड च्वडा । उकिं मनूतय्ता मदय्क मगागु छगु तत्त्व मध्ये नाः नं खः । गुकिया पलेसा (विकल्प) मरु । नाः विनाया जीवन असम्भव धाय्गु खाँ धायो च्वने मालिथें मच्चं । अथे जूगुलिं मध्यकालीन शासकपिसं समाजया जनताया निंतिं नाःया व्यवस्था याय्गु भूवल्य् थजगु पुखु, ल्वहँहिंति, तुंथि, ब्वड दय्केगु यागु खाँ स्पष्ट जू । उकिमध्ये ख्वप देया थी थी नां मध्ये पुखु पुखुया नगर नं धाय्गु या । छाय्धःसा थाना ३४ गः पुखु अले थाय् थासय् ल्वहँहिंति, तुंथि, बोड दय्क तःगु दः । थव फुकं नाःया आवश्यकता पूर्वाकेया लागिं दय्क तःगु खः । अले थजगु ऐतिहासिक, धार्मिक सम्पदात ल्यंक तय्गु भीगु कर्तव्य खः धायो ख्वप नपां थुजागु लागाय् लाहातयो च्वंगु खः । अले थुजागु पुखुया प्राविधिक पाखं स्वय्गु खःसा तस्कं महत्त्व दःगु सिय्दः । गथेकि थाय् (स्थान) विशेषया महत्त्व, आनाया भूवनोट व (Micro climate) (ताल्लां सिचुकेगु अले चिकुलां लुमुगु नाःया व्यवस्था) अले दैनिक ज्या (स्वः

ल्युगु, हिजा हियगु) मनोरञ्जन, धार्मिक महत्त्व (सिद्ध पुखु, कमल पुखु) आदि जात्रावले ख्वः सिलेगुया निंतिं, Aqua culture डा, हाँय् व पलेस्वंग्या लागिं, गनां तहाकं मिन्वल धःसा काचाक्क नाखं मि स्याय्ता गुलि नं आनाया चखुं बखुं, साँ, में वस्तुभाउ तय्ता मःगु व्यवस्थाया निंतिं (Ecological balance) मनूतय्सं त्वनेगु बाहेक मेगु सफा याय्ता छयलेगु नपां वर्षाया नाः (वःगति नाः) मुनेगु अले वनपां लिक्क च्वंगु तुंथि, ब्वड, ल्वहँहिंति व सहायक पुखुली नाः छ्वयता पुखु दय्किगु खाने दः । गथेकि सिद्धपोखरीया पूर्व पाखे (हाल भक्तपुर अस्पतालया आकस्मिक भवन) च्वंगु भीगु मौलिक (Tradisnal water supply and Reservoir Engeneering) परम्परागत नाः इड बियगु व मुनेगु प्रणाली थाना दःगु पुखुत ल्वड हाकनं म्वाकेगु मतिं हज्याड च्वडागु खः । पुखु ल्वनेगु ज्याया सुरुवात ख्वप वडा नं. १ या भाजु पोखरीं याडागु खः । उगु पुखु भीगु पहः या मौलिक प्रविधिया पुनः निर्माण जुयधुंकगु नपां थुगु पुखुया दशवी च्वंगु देगः प्रा.डा. पुरुषोत्तम लोचन श्रेष्ठया पुचलं यागु अध्ययन काथं ल्वनेगु व दानेगु ज्या सुरुयाडागु जुल । थौया थव ज्याभ्वः खं वगु सुभावा नपां ख्वपनपां डालकायो ज्या न्ह्यकेगु खः । जिमिता पूरा विश्वास दःकि थव पुखु व देगः दय्के धुंक ख्वपया पर्यावरणे छुं भाति सुधार वयो भीगु संस्कृतिया जीवन्तता नपां उगु थाय् तस्कं बांलागु, हाँयपुगु थाय् जुई । अले भीथाय् च्वंगु नगरबासीत नपां देश विदेशं भाइपुं पर्यटकपिसं थानायाय्गु सुन्दरता स्वस्वं तस्कं आनन्द काइ । येया रानीपुखु दय्केता थानाया ग्वाहाली कः थें मेगु थाय्या पिसं नं थुकिया अनुकरण याइ धाय्गु विश्वास काया । उकिं छिकपुं सकल विद्वत अले आमन्त्रित वर्गया क्वात्तुगु सहभागिता (Active participation) व पृष्ठ पोषण (Feed back) या आशा यासैं हाकनं छक सकसितां लसकुस याडा ।

(ख्वप १ वडाय् च्वंगु भाज्या पुखुयाबारे न्ह्यब्वःगु प्रारम्भिक प्रतिवेदनया अन्तरक्रिया ज्याभ्वसं ख्वप नपाया उपमेयर रजनी जोशीजुं बियोदय्गु लसकुस न्वचु)

न्हाय्पंया महिमा

आशाकुमार चिकंबजार

भीके दुःगु न्यागु ज्ञानेन्द्रीय मध्ये छगू न्हाय्पं खः । गुगु न्हाय्पं मनूयाय्के बुँसानिसे मसीतले दैगु खः । तर उगु न्हाय्पं क्वखं यनहँ धकाः अजाअजिं धाःगु खँ न्यना फुक्क आताहां जुई । ज्ञाया खापा चाय्का मनया सलिंचाय् यला, नुगःया हासांहाया यचुगु बाकी दुगु जाकी थें ज्यलय् धुंगु बैसनापं खँ थुइधुंका बँय् मखु शिरय् लात धकाः भीत इवातां हे थना विइगु अवस्था हैम्ह वहे मताःछु याइम्ह न्हाय्पं नं याना हे खः । इलं थक्कुगु धापु दुनेया सत्यताया पपु छुना लकसय् लापाचा थें ब्वया च्वंगु अजाअजिया धापु भीत नोकथिं दाः थें दायानं, आंकथिं क्वाथें क्वानानं थुइके मफूसा अति दुःख जुई । अले धिसिमलागु जीवन हनाः न्हाय्पं नीका कसा नया च्वने मालिगु स्पू हे जुई । उकिंला ज्ञाया खँ न्हाय्पं विया ध्यान तथा न्यने माःगु ।

मचाखाचा ज्ञानी मजुलकिं मां ब्वां न्हाय्पं हिइका न्यनेमालिगु । वहे हुनिं गुलिं खँ ताःसां मताः छुना च्वनेमालिगु । आश्वासनं चुनाव त्याकम्हा मन्त्रीं थें तःसिं ख्वाँय् जुयाः च्नेमालिगु । व न्हयो व छुना च्वंम्ह तःसिं ख्वाँय् । हजूर धालकिं खापा चाय्के मालि धकाः मताः छुना मतापं न्यासिं वना च्वंम्ह किसीयात खिचां उना च्वंसा च्यूता मतसिं ब्वाँय् वनाच्वंम्ह थौंया सरकार तःसिं ख्वाँय् खः । ख्वाँय् अजाजु अथेला थी थी न्हाय्पंया थी थी ज्या नापं पहदु । तः ता न्हाय्पं मध्ये न्ह्याक्वधाः सां धाः ल्हा मचाइम्ह ख्वात्तुगु न्हाय्पं दुम्ह अत्तेरी न्हाय्पं । गनेद्यो यात थें गं थाना थनेमाम्ह अस्यगु किसी न्हाय्पं । सतुगु तायानं मिखांजक स्वया मता छुना वनिम्ह कुंसुगु न्हाय्पं । थज्यागु न्हाय्पं दु पिन्सं कतया खँ न्यनकिं ज्या सनेमालि धका अनेक जः ग्वई । गुब्लें इमिसं न्हाय्पं तिना न्यनापह याई । अति उपदेश खाइ धैपिं थौं कन्हेया मचा ल्याय्म्ह ल्यासे तयुगु

इयरफोन तथा जुइपिनिगु न्हाय्पं थ्वहे कोतिया न्हाय्पं खः गुगु न्हाय्पं न्हाय्पं पुईखं जाया हत्तिई । गुम्हेसिया न्हाय्पं खिचा न्हाय्पं कित्तिक स वलकिं ताई । करपिनिगु खँ क्वथिइक न्यना खँ ल्वाकब्बाक याना खँ बुट्टा किया मेपिन्त ल्वाके मधुंतले वया प्वा जाईमखु । अले न्हाय्पंया जाली स्वया न्हाय्पं जाली पिन्सं मतागु खँ नं ताया छुना सुनिजाने साक्षी जि हे तायगु धका चाकरीया लँपु ज्वनिम्ह न्हाय्पंया म्हिग स्वया थौं भन ली मला । थजगु न्हाय्पंनं याना थी थी समाजय् चलंवन, भुखाय ब्वल । थजागु जाली न्हाय्पं मनूयाके जक मखु अंगलय् दय्फू धका पुर्खा सतर्क याका थकुगु खँ मन्यसं मन्त्र म्येहाला जुगुलीं प्रलय जूगु खँ थन मकसे मगा । इमिसं कत दुफ्वानाः लँय् छु छु याई ।

संसारय् प्राणीतय्के न्हाय्पं मदूसा छु जुइगु जुई ? भीसं मिखा भाय् याना, ख्वाः ज्याना सांकृतिक भासं व ब्रेललिपि थें थिया स्वयाजक नुगःखँ कनेगु जुई । उकिं व धन्यम्ह न्हाय्पंयात तिसां तिइकेगु यागु जुई । मिसा न्हाय्पने तुकी, मुकी, दुइग्री, टप, इयरिङ्ग भुम्का तिसां तिइकिसा, मिजं न्हाय्पने मुन्दी अले रिड व कुण्डल नं तिइक । अले बोली गोली थें छा पिन्सं ग्वलीया पहवगु तिसां नं त्यु । थथे स्वयवले न्हाय्पंया नं मिसा न्हाय्पं मिजं न्हाय्पं धकाः लिङ्गीय भेद दुला ? न्हापाला जातीय भेद नं दु हँ । च्वय् जात व क्वय् जातया न्हाय्पं । अले न्हाय्पं जाःपिं धनी व ल्हासाय् लुँ यक्व जिगु न्हाय्पं खाली धकाः हाला जूपिं गरिब न्हाय्पंतः थज्यापिं न्हाय्पं न्हाय्पंया दश्वी नं ल्वापु मजगु मखु । गुकियाता वर्ग संघर्ष धाय् फैला ?

भीगु दे भारतं तेलाकाल हँ । शासक न्हाय्पने दुइग्रीं पना किसीया न्हाय्पने पँति हालेथें जुल । बजारभाः थिके जुल, बेरोजगार बढेजुल, अप्व धैथे ल्यासे ल्याम्ह्व विदेशय् वन थःगु बुद्धि नं मचाम्ह कतया बुद्धि मज्यम्ह सरकारला ताहा (सर्प) थें न्हाय्पं हे मदुम्ह खनि । अले थः त या सा ऐया, कतयात यासा थया धकाः हाला जुइपिं जापान दक्षिण कोरियाथें जाःपिं अमेरिकन सपेराया इशाराय् तिं तिं न्ह्या च्वपिं न्हाय्पंया बान्की जक दुपिं निगू न्हाय्पं सापारुया ताहासाँया न्हाय्पं थें जक खः । व कतयाय्गु खँ न्यनेमालिधकाः राक्षसी प्रवृत्ति पिकया न्हाय्पनय् गं तथा

गठामुगः (घण्टाकर्ण) थें जूम्ह अमेरिका, भारत थुजागु साम्राज्यवादी व विस्तारवादी देशया शासक पिन्त कतामरी क्वखाय्का धाँ थानाः वाय् यंकेमफतले इमिगु न्हाय्पं चालीमखु । तः दँ न्ह्यो निसें ख्वाँय जुया च्वंगु इमिगु न्हाय्पने गःसुं मगुइकचाली हे मखुत । इमिसं बमलागु देया न्हाय्पने सिद्धान्तया स्वां स्वथंका, एटमबमया न्यां सम्हय् कपालय् तय्का ल्वाभःया ज्याभ पुजायाकाः सूतिभैलं ज्वना हःम्ह न्या रुपी मनूयात थें न्हाय्पं नीका मूहाय्का कैयौँ सिया न्हाय्पं स्यू नय धुंकल ।

ब्रम्हाजीया न्हाय्पनं पिहाँवगु न्हाय्पं पुई समुद्रय वां छ्वबलय शुम्म निशुम्भ जन्म जुल हँ । व शक्ति राष्ट्र नं वहे दैत्यया पर्याय खः । इमित तहलगे याना तिनि शान्तगु बँवारा (पृथ्वी) दत हँ । उकिंला लाहा फयां जक छु दै । ल्वाना हे जक भ्नीगु अधिकार काय् फै जक धै थकुगु खँ ताय्के माल ।

न्हाय्पं याय्पं यो, मय् दु । आइन्सटाइनया सापेक्षतावादी सिद्धान्त थें मय्या अमुई लाना कर्णपिय बाँसुरीया सःयात कःयाना मन चं चं धाय्किम्ह न्हाय्पं कर्णकटु भुस्याया सलय् न्हाय्पं प्वा तिनाः विस्सू जुई । गनं राजनीतिया खँ वलकिं सा कुविया लाय्कु च्यूता हा हां विस्सू वनि । धनुहुं वपिं न्हाय्पंतः वर्ग संघर्षया खँ मथुतले न्हाय्पं तिना जुइपिं मनूतयसं न्हाय्पं सि सि तुला वनानिं तिनि वा चाय्की । उकिं न्हाय्पं छगू निपंया न्यायाधिश नं खः ।

गुलि च्वय च्वय् वनि उलि हे न्हाय्पं यात थाकूइ । वया न्हाय्पं हत्तिइ । देशया शासकतय्त थ्व ल्वचं कलकिं जनताया न्हपुंयपूहे चुइँगम थें न्हयया न्हाय्पं चाय्के मास्ति वै । अले इमित मुखारे मद्य्कं गाई मखु । अज्यापिं जाली न्हाय्पं दूपिं मुखारे तय्संयाना काजी भीममल्ल स्यात । भीमसेन थापां आत्महत्या याय्माल । अले अमिगुहे सल्लाहखय् 'फाँसी दे' या नारा नं श्वयकल । अले जलाखाला देशं भौपवा तया नाकाबन्दी यात । भ्नाक्री खासे वथें वय्का फुक्क जलस्रोत लाकाकाल नं न्हाय्पंस्या देके जक वना अजाजु क्वखं यंकुबलय्या बाखं कनाः जनता तय्ता मिखाय् धुलं छ्वाकल । विपिया समाजवाद व नौलो जनवादया कुसी जनताया न्हाय्पने तकः कने मज्यूगु बाखं हाले मज्यूगु

म्ये हाय्का ध्वगिगु महान विजयया नामं चाकमता च्याकेबिया च्वन ।

थःगु ख्वविं माहांबुइका चुलिजाया वगु इच्छाया वा बुई कतयात बाँध दय्के बियाः पुँजीवादी सम्बिधानया जप याकु याकुं छुँया न्हाय्पं लुइलुइ या मचापहल जलमगन जुया नं त्यागु उत्सवया नाय्खिं च्वय्का न्हलय् हालाच्वपिं शासक तय्सं सुथयात सः ता च्वपिं ग्वंगः तय्त न्हयो सेंकुगु भाःपां थ्रेसहोल्डया चुपिं स्याय्गु असफल कुतः (प्रयास) याना च्वन । सत्यया सुजद्यो लुइधुंका कृष्णया कृत्तिम सूर्पाय्चं वास्तविकता स्याय् फै मखु । मुक्तिया म्ये नेनय्गु स्वया भक्तिया भजन हालेगु भ्वलय् थःगु बपिखय् हाम्रो नियम थाकाः कपालय् तबला याके वियगुली रसकाया न्हय्वि द्वाहाँ वना च्वपिनिगु न्हाय्पने वर्ग संघर्षया चिकंतयाः अन्धविश्वासया न्हाय्पंपुई काका चेतनाया ग्वंगः हाय्का थनेमानि । अले तिनी फुक्क शोषित त छप्पँजुया मुक्तिया मालश्री हालः न्हाय्पने नलिस्वां छुना यचुगु, पिचुगु अले धात्थेंगु न्हिलासुपिज्वगु नखः हनि, जनताया समाजवादया !!!

**स्वप नगरपालिकाता न्ह्याबलें
सफा, सुगधर तय्गु सकल
नगरवासीतय्गु कर्तव्य खः ।**

स्वप नगरपालिका

**नगर कार्यपालिकायागु कार्यालय
ब्यासी, स्वप**

स्वप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भ्वः क्वय् च्वयतःगु नम्बरखय् डायल यड न्यने फँगु खाँ दकोसिता ब्याक चोडा ।

Audio Notice Number : १६१८०१६६१००९६

स्वप नगरपालिकाया ज्या भवः त

देशभक्त, अनुशासित व क्षमतावान विद्यार्थीत तयार याय्मः

२०७५ फागुन १०

स्कूले जुड्गु कासाया गतिविधि व अतिरिक्त क्रियाकलापं विद्यार्थीपिन्ता स्वस्थ व तन्दुरुस्त याड्गु खाँ विद्याविकास स्कूलया छगू ज्या भवः खय् स्वप नपा प्रमुख सुनिल प्रजापतिजुं विचः प्वंक दय्गु खः ।

नाचगानया राजधानी ख्वपे सम्पदा संरक्षण याय् फःसा भीगु देश विश्वं म्हासिड्गु जुगुलिं स्कूलं अजगु

मतिदपुं देशभक्त, अनुशासित व क्षमतावान विद्यार्थीत तयार याय्मःगु खाँ कडदिल । नगरपालिकाया थी थी ज्याभवःत उल दिसें कासा घिघिबलाखय् तःलापुं विद्यार्थी कासमिपिन्ता सिरपा लःल्हाड दय्गु खः ।

वडाध्यक्ष ७ या उकेश कवां, प्रिन्सिपल प्रदिप क्षेत्री, वडासदस्य रञ्जना त्वाती व हेरा ख्याजूनं उगु ज्याभवः सं थःथःगु विचः प्वंक दय्गु खः ।

राष्ट्रिय पुनःनिर्माण प्राधिकरणया टोली ख्वपे भाल

२०७५ फागुन ११

राष्ट्रिय पुनःनिर्माण प्राधिकरणया प्रमुख कार्यकारी अधिकृत सुशिलचन्द्र ज्ञवालीया पुचःलं ख्वप नपाया प्रमुख सुनिल प्रजापतिजुं नपालाड् भनपा वडा नं. १ खय् ल्हवड च्वंगु भाजु पुखु, सिद्ध पुखु, ख्वपया लाय्कु, कला संग्रहालय, डातापोल्हँ देगः, भैल देगः या स्थलगत अवलोकन याड् दिल ।

उगु नपालाय्गु ज्याभवःले प्रमुख प्रजापतिज्युं यँया रानी पुखु ल्हवनेगु ज्याखय् ग्वाहाली याय्गु बांलागु मति ख्वपनपाया दःगु खाँ ब्याक स्वनिगःया साँस्कृतिक सम्पदा

फुक्कसिया मंकः सम्पदा खः धायो दिसें थुकियाता भिंक, बांलाक म्वाक तयुगु भी फुक्कसिया मंकः कुत जुयमः । थव भीगु कर्तव्य नं खः धायो दिल । वयकलं ख्वपय सम्पदा निर्माणे ज्या उपभोक्ता समिति व जनसहभागितां याड् न्याक च्वडागु, थुकि छतिहे सहयोग मरुगु खाँ नं कड दिल ।

उगु नपालाय्गु ज्याभवः खय् प्रमुख आयुक्त ज्ञवाली जुं थें महानगरपालिकां रानी पुखु ल्हवनेगु ज्या याय् मफगुलिं उकिया जिम्मा काठमाण्डौ विकास प्राधिकरणता लः ल्हागुलिं ख्वपय् जुयो च्वंगु पुनःनिर्माण प्रभावित जुयो वयक ख्वप

नपाके ग्वाहाली फ्वँ वयागु खाँकड दिसे ग्वाहाली याड्गु विश्वास प्वंक दिल ।

उगु ज्याभवःसं वडाध्यक्षपुं (१) श्यामकृष्ण खत्री, (३) राजकृष्ण गोरा, (७) उकेश कवां, (९) रवीन्द्र ज्याख्व नपां कर्मचारी समाज नेपालया नायो गौतमप्रसाद लासिवजु पुं नं उपस्थित जुयो दय्गु खः ।



संघीयताया अर्थ स्थानीय तहयाता अधिकार सम्पन्न याय् मःगु खः प्रमुख प्रजापति

२०७५ फागुन ११

नेपाल क्रान्तिकारी विद्यार्थी संघ ३ वडाया ग्वसालय् जूगु विद्यार्थीपिन्ता बधाई बियगु ज्याभ्वः खय् नेमकिपाया मू दुजः नपां ख्वप नपाया प्रमुख सुनिल प्रजापतिजुं ख्वप नपां ख्वप कलेज चाय्क देशादेछिया विद्यार्थी पिन्ता दांक, भिंक, बांलाक व्वंक देशयाता मःपुं जनशक्ति



अर्थ स्थानीय निकायता अधिकार सम्पन्न याय्मःगु खाँ न वयक कडु दिल ।

उगु ज्याभ्वःसं प्राध्यापक समाजया नायो सरोजरज गोसाई जुं न्हुगु पुस्ताया देश जनताया हित जुइगु ज्याखय् ध्वासावियमःगु खाँ कडु दिल । वडाध्यक्ष ३ राजकृष्ण गोरा

उत्पादन याडु वयागु नपां विदेशी धेवा मकसिं अमानत व उपभोक्ता समिति दय्क पुनःनिर्माण याडु वयागु ख्वपया जनताया स्वास्थ्य उपचारया नितिं स्वदाया दुने ख्वप अस्पताल दय्के सिध्यकेगु खाँ कडु दिल । संघीयताया

प्राचार्य सुजन माकलगायतया मेमेपुं वक्तात्यसं थःगु खाँ पोंकगु उगु ज्याभ्वःसं प्रमुख प्रजापतिजुं तःलापुं विद्यार्थी तय्ता दसिपौ व सिरपा वियोदय्गु खः । नपां साँस्कृतिक व्वज्या नं यागु खः ।

गोदावरी नपाया प्रमुख ख्वप नपाय्

२०७५ फागुन १४

ख्वप नपाया प्रमुख सुनिल प्रजापति अले उपप्रमुख रजनी जोशी नपां गोदावरी नपाया प्रमुख गजेन्द्र महर्जनया न्हयलुवाखय् भःपुं छगू पुचः नपां नपालाडु ख्वप नपाया योजना तथा कार्यक्रम, विकास निर्माण व सम्पदा पुनःनिर्माण व साँस्कृतिक गतिविधि विषयले सल्लाह व्याकल ।

उगु ज्याभ्वसं दांक व बांलाक चिकित्साशास्त्र व्वकेगु, ख्वप अस्पताल दयक च्वडागु, आर्थिक नियम व अनुशासने च्वडु विदेशी धेवा मकसिं सम्पदा ल्हवडु च्वडागु

नपां डकर्मी व सिकर्मीया तालिम वियागु नपां स्वनिगःया डागु ऐतिहासिक नगरपालिका दश्वी स्वनिगःदुने च्वंगु पुरातात्विक, ऐतिहासिक व साँस्कृतिक महत्त्व दःगु संरचनाता जनसहभागिता दश्वी सल्लाह याडु ल्हवनेगु ज्या याय्गु, दःगु ऐतिहासिक प्रमाणया लिधंसाय् अनुसन्धान याडु भीगु हे मौलिक शैलीखय् सम्पदात ल्हवनेगु, पुनःनिर्माणयाय्गु व स्वनिगः याता साँस्कृतिक संरक्षित केन्द्र घोषणा याकेगु निर्णयं सकारात्मक सन्देश वांगु खाँ कडुदिल ।

उगु ज्याभ्वः खय् गोदावरी नपा स्वनिगःया तःहांगु नपा नपां नेवः बस्ती यक्व दःगु, साँस्कृतिक महत्त्व दःगु नपा जूसां अनुभवया कसिं ज्या याय् थाकुगुलिं अनुभव हिलाबुला याय्मःगु खाँ कडु दिल । ख्वप नपां शिक्षाखय् तस्कं बांलागु ज्यायाडु दय्गु खाँ कडु दय्सें थःगु नपा दुने फुक्क धाय्थें सम्पदात नेपाल सरकार, पुरातत्व विभागया ग्वाहालीं पुनःनिर्माण जुयो च्वंगु व साँस्कृतिक व्वज्याया धिं धिं बल्ला याय्ताडागुलिं ख्वप नपाया अनुभवं ग्वाहाली जुइगुखाँ कडु दिल ।





२०७५ फागुन १२

खवप नपाया प्रमुख सुनिल प्रजापतिजुं सूर्यविनायक ब्यारेकया प्रमुख सेनानी शिवप्रसाद पौडेल नपालाड जिल्लाया विपद व्यवस्थापनसम्बन्धी सहकार्य व समन्वयया विषयले सल्ला बल्हा याड् दिल ।

म्वसः व दम रोगया पुनःस्थापना केन्द्रसम्बन्धी सल्लाबल्हा

२०७५ फागुन १६ गते

खवप नगरपालिकाया प्रमुख सुनिल प्रजापतिनपां जापानी अन्तर्राष्ट्रिय चिकित्सा प्रविधि संस्थान (जी.आई.एम टी.इ. एफ.) या अध्यक्ष डा. शिगेकी हायासी नेतृत्वया चिकित्सक टोली बिहीबार नगरपालिकाया सभाकक्ष नपालाड् दिल । उगू नपालायागू ज्याभूवः खय् खवप नगरे श्वासप्रश्वास (दम) सम्बन्धी ल्वय्या बिरामीपिन्ता फिजियोथेरापी विधिमाफत् उपचार याय्गु छाती पुनःस्थापना केन्द्र सञ्चालन याय्गु विषयलय् छलफल जूगु खाँ कड् दिल

उगू ज्याभूवसं प्रमुख प्रजापतिजुं खवप नगर ऐतिहासिक व साँस्कृतिक नगर धाय्गु जानकारी यासैं सम्पदा संरक्षण व नगरया मौलिक स्वरूप ल्यंकतय्ता परम्परागत शैली छँ दय्केया लागिं नगरबासीपिन्ता प्रोत्साहित याडागु खाँकड् दिल ।

२०७५ साले बवःगु भवखाचां पीडित जनतातय्ता जापानी सरकार व जनतात पाखें ग्वाहाली ब्युगुलिं शुभाय् देछोयो दिसैं प्रमुख प्रजापतिजुं नगरपालिका थमं हे खवप अस्पताल सञ्चालनया तयारी यासैं भवन निर्माण याड् च्वडागु जानकारी बियोदिल ।

जिम्टेफया प्राविधिक ग्वाहालीखय् छाती पुनः स्थापना केन्द्र चाय्के बले दमल्वयया मन्तय्ता थानासं उपचार याय् दैबले अःपुड्गु विश्वास प्वंकदिल ।

जिम्टेफया नायो डा. हायासीजुं खवपे २०७५ निसैं दमल्वयया विषय खवप नगरपालिका नपां मिलेजुयो अध्ययन याड् च्वडागु नपां नेपाले दकले न्हपां खवपे छाती पुनः स्थापना केन्द्र सञ्चालन याय्ता थःपिसंनं ग्वाहाली याय् दःगुलिं लय्ता प्वंक दिल । गुकिया लागिं नेपाले च्वंगु जापानी दूतावासे जिम्टेफ व नेपःया लागिं जापानी राजदूत



नपां हस्ताक्षर जूयधुंकगु खाँ नं कड् दिल ।

उगु केन्द्रया निंतिं खवप नगरपालिकां तुमचो दुगुरे थःगु हे जग्गाखय् स्वता जःगु भवन दानेगु नक्सा पासयाड् नेपाल सरकार स्वास्थ्य मन्त्रालयं स्वीकृति काय धुंकगु दः दाच्छीया दुने उगु भवन मौलिक शैली दयके धुंकगु खाँ प्रमुखजुं काड् दिल ।

साँ च्याकिगु, उन्नत सिलाइ व सुज्या सुयगु तालिमया दसिपौ लः ल्याय्गु ज्या भ्व

२०७५ फागुन १७

ख्वप नगरपालिकापाखें न्ह्याकगु काष्ठकला, हेयर कटिङ्ग (साँ च्याकिगु) (उन्नत सिलाइ) सुज्या सुयगु तालिमया दसिपौ ख्वप नपाया सभाकक्षसं ख्वप नपाया प्रमुख सुनिल प्रजापतिजुं लः ल्हाड दिल । उगु ज्या भ्वसं देशया नितिं मःपुं जनशक्ति तयार याय्जु मतिं लाहातय् ज्या दइगु सीपमूलक तालिमत न्ह्याकागु अले ख्वपया दक्ष जनशक्ति देशया थी थी थासय् वाड ज्या साड च्वंगु नपां यँया रानी पुखु पुनःनिर्माण याय्ता राष्ट्रिय पुनःनिर्माण प्राधिकरणं नगरपालिकानपां सहकार्य याय्ता ग्वाहाली फ्वंगु खाँ न्हिथाड

दिल । वयकं प्राविधिक ज्ञान, सीपं व्यक्तित्व विकासे ग्वाहाली याइगु लि. बांलाक ब्वने मःगु अले ज्यायाता सम्मान याइगु व देशसेवाया भाव ब्वलांके मःगु खाँ कड दिल । उगु हे ज्या भ्वखय् उपप्रमुख रजनी जोशी थजगु ज्याखं नगरवासीतय्गु आर्थिक स्तर हज्याइगु खाँ धायो दिल । नपां वडाध्यक्ष (३) या राजककृष्ण गोरं नं थःगु खाँ तयो द्यूगु खः । का.स. रोशनमैयाँ सुवाल, कृष्णलक्ष्मी दुवाल, सरिना द्योला, काष्ठकला प्रशिक्षक विष्णुभक्त कुसीजुं नं थःगु खाँ प्वंक द्यूगु खः । उगू ज्या भ्वसं प्रशिक्षार्थीतय्सं द्यूकगु तिकाभ्यो नगरपालिकाता लः ल्हागु खः ।

राष्ट्रिय पुनःनिर्माण प्राधिकरणया प्रमुखनपां खल्हाबल्हा

२०७५ फागुन १७ गते

ख्वप नगरपालिकाया प्रमुख सुनिल प्रजापतिजुं शुक्रवार राष्ट्रिय पुनःनिर्माण प्राधिकरणया प्रमुख कार्यकारी अधिकृत सुशील ज्वाली नपालाड ख्वप लाय्क्या राष्ट्रिय कला संग्रहालय पुनःनिर्माण व ख्वप दत्तात्रयया पुजारी मठ ल्हवनेगु विषय सल्हाबल्हा याड मथां ल्हवनेगु ज्या याय्

मफुसा विश्वप्रसिद्ध म्हेवेय्खा भ्यो व काष्ठकला संग्रहालय धरापे लाइगु जुगुलिं ख्वप नपां मौलिक शैलीया नक्सा, लगत इस्टिमेट ख्वप नगरपालिकां तयारी याड च्वंगु जानकारी बियो दिल ।

निर्देशक ज्वाली थुगु हे आर्थिक वर्ष निसें छुं छुं बजेटया व्यवस्था याय्गु आश्वासन बियो दिल ।

देशया राजनीति बांलासा फुकक क्षेत्र बांलाइ

२०७५ फागुन १८

लिटिल वर्ल्ड स्कूलया ज्या भ्वसं भायो ख्वप नपाया मेयर सुनिल प्रजापतिजुं देशया राजनीति बांलासा फुकक क्षेत्र बांलाइगु जुगुलिं विद्यार्थीपिन्ता राजनैतिक शिक्षा बियमःगु, देशया सर्वाभौमिकता रक्षाया निति व अन्यायया विरुद्धय ल्वाय्ता देशभक्त्या खाँ कानेमः धायो दिल । सरकार

शिक्षा व स्वास्थ्यया जिम्मेवारीं तापाकक वांगुलिं ख्वप नपां कलेज व जनस्वास्थ्य केन्द्र चाय्कागु खाँ नं कड दिल । उगू ज्या भ्वः सं थी थी व्यक्तित्व पिसं नं थःगु खाँ प्वंके द्यूगु खः ।

अथेहे इःजि पायोनियरया २५ दँया बुदिया लसताय् प्रमुख प्रजापतिजुं उत्पादन श्रमनपां स्वापु दैगु शिक्षाखय् बः बियमःगु खाँ कड दिसें ख्वप नगरयाता सांस्कृतिक नगर, पर्यटकीय गन्तव्यस्थल, ज्ञान विज्ञानया केन्द्र नपां ख्वपया भाषा, संस्कृति, सम्पदा, शिक्षा आदिखय् दक्ष जनशक्ति दय्केगु मतिं ख्वप नपां स्थानीय पाठ्यक्रम दय्क लागु याडागु खाँ ब्याक दिल । अले देश व समाजप्रति जिम्मेवार विद्यार्थीत उत्पादनया निति ज्या साने मःगु खाँ कड दिल । उगू ज्या भ्वसं थी थी विद्वान पिसं नं थःगु न्वचु बियोद्यूगु खः ।



यँया रानी पुखु ल्हवनेता खवपय् नं प्राविधिक ग्वाहाली याय्गु



२० फागुन २०७५

खवप वडा नं. १ या ग्वसलाय् जूगु उपभोक्ता समिति नपांया छलफलखय् खवप नपाया प्रमुख सुनिल प्रजापतिजुं राष्ट्रिय पुनःनिर्माण प्राधिकरणया प्रमुख कार्यकारी अधिकृत सुशीलचन्द्र जवालीजुं यँया रानीपुखु पुनःनिर्माण याय्ता प्राविधिक जनशक्ति फ्वंगुलि खवप नगरपालिका सकारात्मक जूगु खाँ कडु दिल । वय्कनं स्वनिगः भीगु (साभा) मंकगु सांस्कृतिक सम्पदा जुगुली ग्वाहाली याय् मःगु साभा कर्तव्य खः धायो दिल ।

वागीश्वरी माविया (हिरा बुदिं)

हिरक जयन्तीया ज्याभ्वः क्वचाल

२०७५ फागुन २३ गते

उगु ज्याभ्वसं मूपाहां हानेबहम्हा नेमकिपाया नायो नारायणमान बिजुक्छेंजुं विद्यार्थीपिन्ता भूगोल व इतिहासया ज्ञान बियमफूसा जिम्मेवार पदे वानिबले तस्कं काथं मछिंक ज्या याइगुलिं पाठ्यक्रम बाहेक देशभक्तिपूर्ण नैतिक शिक्षा वियमःगु खाँखे बः बियोदिल । राजनीतिया खाँगवः गलत व्याख्या याडु च्वंगुलिं कुखिडु दिसे देश व जनताया निस्वार्थ सेवा याय्गु हे राजनीति खः धायोदिल ।

उगु ज्याभ्वसं खवप नपाया प्रमुख एवम् कलेज व्यवस्थापन समितिया नायो सुनिल प्रजापतिजुं २१ औं शताब्दीता मःपुं विद्यार्थीत उत्पादन याय्मःगु खाँ बःबियो दिसें स्थानीय तहता केन्द्रं सञ्चालन याय्गु प्रतिगामी सोच खः धायो दिसें केन्द्रं वहे सोचं ज्या सानिगु सम्भावना दःगु खाँ कडु दिल ।

अथेहे प्रदेश नं. ३ या सांसद सुरेन्द्रराज गोसाईजुं विद्यालयं विद्यार्थीतयता अनुशासित व क्षमता विकासया खाँ कने मःगु खाँ काडु दिल । उगु ज्याभ्वसं ९ वडाया वडाध्यक्षनपां वि.ब्य.अध्यक्ष रविन्द्र ज्याख्व प्राचार्यपुं कृष्णप्रसाद धन्छा, धनकुमारं श्रेष्ठ लगायतं न्वचु बियो दय्गु खः ।

खवप नगरपालिकाया प्रमुख प्रशासकीय अधिकृत रोहितराज पोखरेलयाता बिदाइ

२०७५ फागुन २१



खवप नगरपालिकाया प्रमुख प्रशासकीय अधिकृत रोहितराज पोखरेलयाता छगु ज्याभ्वः दय्क मतनाया चिं नपां नगर प्रमुख सुनिल प्रजापतिजुं विदाइ याडु दिल । खवप नपा मेगु नपा स्वयो बांलागु व व्यवस्थित जुगु नपां सकलसिया ग्वाहालीखं थःता ज्यासाने अःपुगु खाँ काडु दिल । उगु ज्याभ्वसं प्रमुख प्रजापतिजुं सरकार सफल असफल जुइगु कर्मचारीया ग्वाहालीखय् भर परेजुइ धायो दिसें फुर्सदया इलय प्र.प्र.अ. पोखरेल जुयाता थःगु जीवनया अनुभव च्वयो न्हुगु पुस्ताता लाँपु क्यडु दिसें धायो दिल ।

सेक्रिड हार्टया अभिभावक दिवश

२०७५ फागुन २४ गते

सेक्रिडहार्टया अभिभावक दिवशे ख्वप नपाया प्रमुख सुनिल प्रजापतिजुया मूपाहॉलय क्वचाल । उगू ज्याभ्वसं २१ औं शताब्दीया निंतिं मःपुं विद्यार्थीत भीगु देशे हे उत्पादन याडः अमिता राजनीति ज्ञानबियो समाजया निंतिं ज्या सानिपुं दय्के मःगु खॉखे बःबियो दिल । ख्वप नपां अन्तरनगर खेलकुद धिं

धि बलाकासा, रञ्जनालिपि, विदेशी भाषा नपां थी थी लाहातय् ज्यादइगु सीपमूलक तालिम बियो वयागु अले न्हुगु पुस्ताता भीगु संस्कार संस्कृति म्हासिडके बियो ता ई तक म्वाक तय्या लागिं स्थानीय पाठ्यक्रम दयक ब्वंके बियागु खॉ नं कडः दिल । उगू ज्याभ्वखय् थी थी व्यक्तित्वपिसं थःगु नुगः खॉ प्वंकद्यूगु खः नपां साँस्कृतिक ब्वज्या नं जूगु खः ।

राजनीतिक कार्यकर्तातय्सं अन्तर्राष्ट्रिय क्रान्तिकारी महिला नेतृपिनिगु जीवनी ब्वनेम

२०७५ फागुन २४ गते

ख्वप नपा पाखें सञ्चालित ख्वप कलेज व ख्वप इन्जिनियरिड्ग कलेजया संयुक्त ग्वसालय् १०९ गू अन्तर्राष्ट्रिय श्रमिक महिला दिवशया लसताय् जूगु ज्याभ्वसं हानेबहम्हा नेमकिपाया नायो नारायणमान बिजुकछे रोहितजुं विद्यार्थीपिसं जाँचे पास जुयता जक ब्वनेगु मखुसैं भाषा नपां थी थी विषयवस्तुया जानकारी नपां बां बांलागु साफूत निरन्तर ब्वनेमःगुलि बःबियो दिल । मिसामस्तयसं राजनीतिक साहित्य ब्वनधःसा समाजता थुडके अःपुड्गु अले शिक्षक-शिक्षिकापिसं नेपाली भाषा व मां भाय् खय् बांलाक ज्ञान दय्केमःगु समाजयाता हःचिडकेता अले न्हुगु पुस्ताता हःचिलेता अःपुड्गु ढङ्गं व्यवहारिक शिक्षा बिय मःगु खॉ खय् बःबियो दिल ।

अथे हे नेमकिपाया मू दुजः ख्वप नपाया प्रमुखजुं

एन. जि. ओ./आइ.एन.जि.ओं तय्सं खः थें डांक जक महिला दिवश डाय्क वयो च्वंगु पुँजीवादी व्यवस्थाखय् थथे जुड्गु स्वाभाविक खॉ खः धायोदिल ।

वर्गीय समाजे तःमिपुं मिसातय्गु लागिं अवसर, स्वतन्त्रता, सुविधा फुक्क दैगु अले गरिब चिमि मिसा मस्तय्ता छुं हे मदैगु जुगुलिं महिला मुक्तियाता वर्गीय मुक्तिनपां स्वाय्मःगु खॉ कडः दिल ।

राज्य संरचनाखय् ज्यासाडः नैपुं मिसामस्तय्गु समानुपातिक प्रतिनिधित्व मःगु खॉ धायो दिल ।

अथेहे उपप्रमुख रजनी जोशीजुं योग्य महिलापुं समाजप्रति उत्तरदायी जुयो सभ्य व सुसंस्कृत समाज दय्केता ग्वाहाली जुडु काथं हज्याय मःगु खॉ कडः दिल ।

उगु ज्याभ्वसं प्राचार्यपुं व शिक्षिका पिसं नं थःगु नुगःखॉ प्वंक द्यूगु खः ।

तिलगंगा आँखा केन्द्रया प्राविधिक ग्वाहालीखय् आँखा अस्पताल चाय्केगु

२०७५ फागुन २५ गते

शुक्रवार तिलगंगा आँखा केन्द्रया प्राविधिक ग्वाहालीखय् आँखा अस्पताल चाय्केगु खॉ कडः दिल । फुक्क स्वास्थ्य सुविधा ख्वपेसं दय्केगु मतिं थुथु ज्या जुयो च्वंगु नपां फुक्क नागरिक स्वस्थ व शिक्षित याय्गुलि ख्वप नपां बःबियो च्वंगु खॉ कडः दिल ।

उगु ज्याभ्वसं वडाध्यक्ष (३) राजकृष्ण गोरा कार्यापालिका सदस्य सुनिता अवाल व वडा सदस्य कृष्णगोपाल चौगुठी नं थःगु नुगःखॉ प्वंक द्यूगु खः ।

अथे हे वडा नं. ६ या महिला स्वास्थ्य कार्यकर्ता नपां नर्स

परिचालन समितिया ग्वसालय् जूगु सुगर, प्रेसर, मृगौलासम्बन्धी निःशुल्क स्वास्थ्य परीक्षण ज्याभ्वसं नगर प्रमुख सुनिल प्रजापतिजुं स्वास्थ्य शिविर याडः ख्वपया जनताया स्वास्थ्यया अवस्था सिडक वासयाय् अःपुड्गु जुगुलिं थजगु शिविर याय्मःगु खॉ कडः दिल । इलय हे ल्वय पत्ता लगेयाडः इलय हे वास याय् मःगु खॉ खे वयक बःबियो दिल ।

उगु ज्याभ्वसं वडाध्यक्ष (६) हरिराम सुवाल वडा सदस्य, गोविन्द दुवाल, सिद्धिराम अवाल, का.स. रोशनमैया सुवालजुपिसं नं थःगु खॉ प्वंक द्यूगु खः ।

भाज्या पुखु जीर्णोद्धारया प्रतिवेदनसम्बन्धी छगू अन्तरक्रिया ज्याभ्वः

२०७५ फागुन २७

ख्वप नगरपालिकाया ग्वसालय् ऐतिहासिक भाज्या पुखु जीर्णोद्धारया प्रतिवेदनसम्बन्धी छगू अन्तरक्रिया ज्याभ्वः जुल । उगू ज्याभ्वसं इतिहासविद्, संरक्षणविद्, जनप्रतिनिधि, नपाया शाखा प्रमुखपुं व विभिन्न क्षेत्रया सरोकारवालापुं भायो ब्वतिकायो दयूगु खः ।

उगू ज्याभ्वसं मू पाहां नेमकिपाया छयाञ्जे अले प्रतिनिधिसभाया सांसद प्रेम सुवालजुं सरकारं सम्पदा संरक्षणख्य् ध्यान मतःगुलिं अपलं सम्पदात (लहाड) मदयो वांगु पुखु, फल्चा, सत्त नपां थःगु नामे तयो न्याय्गु मिय्गु ज्याज्गुलिं आपत्ति प्वंक दिल । जिम्मेवारी पदे च्वंपुं मनूतय्सं यागु गल्लीखं देशे अपूरणीय क्षति जूगु खाँ कड दिसें सम्पदाया ऐतिहासिक अध्ययन नपां ल्हवनेगु, दय्केगु ज्यायाता हज्याकेमःगुलि बःबियो दिल ।

अथे हे नगर प्रमुख सुनिल प्रजापतिजुं ख्वपया ऐतिहासिक पुरातात्विक महत्त्व दःगु सम्पदात ल्हवनेगु मतिं छुं दशक न्ह्योनिसें पला हःचिइक च्वडागु अथे स्मारक

जर्मनसांसदपुं ख्वपय् भाल

२०७५ फागुन २० गते

नेमकिपाया सांसद प्रेम सुवाल व ख्वप नपाया प्रमुख सुनिल प्रजापतिजुनपां जर्मनया सांसदपुं Tobias Pfluger, Gabriele Katzmarek / Anke Domscheit Berg जुपिसं ख्वपय् नपालाड दिल । नपां नेपःया लागिं जर्मन राजदूत रोनाल्ड सेफर नं दी । सांसद प्रेम सुवाल जुं नेपःया संसद व जर्मन देशं ख्वपया सम्पदा संरक्षणे यागु ग्वाहाली जनताया मने दःनि धायो दिल ।

अथेहे प्रमुख प्रजापतिजुं ख्वपय् ७२ सालया भ्वखाचं यागु क्षति बच्छी मयाकां पुनःनिर्माण याय् बाँकी दःनिगु खाँ कड दिल । थुजगु ज्या आर्थिक अनुशासन व जनसहभागिता याड न्ह्याक च्वडागु खाँ कड दिल ।

जर्मन सांसदपिसं विश्व सम्पदा क्षेत्रे चाहिले धुंक सफा सहर ख्वपय् चाहिले दःगु लि लयता प्वंक दिल ।

संरक्षण ऐन, सम्पदा संरक्षण ऐन, नियम, सम्पदाविद्, इतिहासविद् व संस्कृतिविद् व स्थानीय अनुभवं पाकोपुं जनताया सल्लाहकाथं हज्याड च्वडागु खाँ कड दिल ।

तःपुखु ल्हवडागु अनुभवया लिधंसाय् नाः ज्वइथाय् देचा तयो अले पुखुया दथीया देगःछु खः धाय्गु अनुसन्धान व अध्ययन विज्ञापिन्ता याक प्याहाँ वगु प्रारम्भिक प्रतिवेदन काथं भाजुकःसं दय्कगु किम्बदन्ती दःसां येंया रानीपुखु स्वयो डांसदा हँहि थुगु पुखु दःगु खाँ प्रतिवेदनं क्यंगु धायो दिल । थुकिं न्हूगु इतिहास सुरुजूगु खाँ कड दिल ।

उपप्रमुख रजनी जोशीजुं लसकुस न्वचु वियो दयूगु उगु ज्याभ्वसं प्रतिवेदन इतिहासविद् डा. पुरुषोत्तमलोचन श्रेष्ठजुं प्रस्तुत याड दयूगु खः । पुखुया दश्वी जलेश्वर महादेव या मूर्ति व देगः दःगु उगु देगः शिखर शैलीया खः धायो दिल । अथेहे प्रजिअ नारायणप्रसाद भट्ट, पुरातत्त्व विभागया पूर्व महानिर्देशक भेषनारायण दाहाल, संस्कृतिविद तेजेश्वर बाबु ग्वंगः प्रा.डा. मोहनमूर्ति पन्थ, पुरातत्त्व विभागया पूर्व निर्देशक लक्ष्मणराज ज्वाली, गुठी संस्थानया निर्देशक मीनराज चौधरी, पुरातत्त्व विभागया प्रमुख हरिसुवेदी प्रेमसिंह बस्न्यात व दरबार हेरचाह तथा स्मारक संरक्षण कार्यालयया प्रतिनिधि कल्पना प्रजापतिजुं पिसं नं थःगु खाँ तयो दयूगु खः ।

जेसिज स्कूलया ४० कगू

वार्षिकोत्सवया उलेज्या

२०७५ फागुन २५ गते

जेसिज इङ्गलिस स्कूलया ४० कगू वार्षिकोत्सव व अभिभावक दिवशया उलेज्यायासें अन्तर्राष्ट्रिय लागाय् प्रतिस्पर्धा याय् फःपुं सक्षम व दक्ष जनशक्ति तयार याय्मःगु नपां अतिरिक्त क्रियाकलाप नपां समाजे लेपुनिगु व्यहारिक व नैतिक शिक्षा बियो व्यक्तिगत स्वार्थ मखुसें समाज सेवाया भाव दःपुं विद्यार्थी तयार याय्मः धायो दिल ।

अथे हे गिल्टर फ्युचर स्कूलया १७ कगू वार्षिकोत्सवसं नगर प्रमुख सुनिल प्रजापतिजुं किताबी ज्ञाननापां व्यवहारिक ज्ञाननं बियो देश व समाजया सेवा याडपुं विद्यार्थी दय्के मःगु खाँ न्हिथाड दिल ।